

che a Gabriel da Martinengo, cussi instando el capitano nostro di le fantarie, li sia dato provision di ducati 20 per paga, con questo sia ubligato servir con do cavali, *ut in parte*. Contradise sier Gasparo Malipiero savio a terra ferma, dicendo non se dia far, perchè non à alcun merito con la Signoria; li rispose sier Zorzi Emo savio dil Consejo. Poi parlò sier Zuan Vituri, è di la zonta, qu. sier Daniel, qual disse che parlava zerca i presoni, et per Colegio erali stà concesso uno preson, ch'è quel di la Torre, ch' è in li cabioni, per suo rescato et di volontà dil capitano zeneral, hora el capitano non vol dargelo. Però non bisogna dar tanta libertà che li capitani dimandano quello li par e nui satisfarli; si questo à meriti et è valente homo, è bona la parte. Ave 100 di no, 90 di si, e non fo presa.

Fu posto, per li Savii, elezer *de præsenti* provedador di cavali lizieri, per scurtinio, con ducati 60 al mexe per spexe, havendo cussi richiesto il capitano, di qual non monstri alcun conto, et sii ubligato tenir cavali 4 et 5 fanti. *Item*, che *de præsenti* si debi elezer uno pagador in campo con ducati 40 al mexe per spexe, e stagi uno anno solamente, et si fa in luogo di sier Filippo Baxadona, qual è stato pagador mesi . . . , à refudato, et dito pagador sia electo per election di la banca et 4 man di election. Sier Antonio Trun procurator vol la parte, con questo, il provedador di stratioti stagi 6 mexi. Andò le parte; 62 questa, 128 di Savj e questa fo presa.

El cussi tolto il scurtinio et andato le eletion dentro, fono balotati li nominati; rimase provedador di cavali lizieri sier Alvise Bembo, fo provedador executor in campo, qu. sier Polo, el qual è qui al presente venuto col capitano zeneral, ma sempre in queste guerre è stato in campo et a sue spexe quando non è stato per officio di executor, et è valente homo et sperimentado. El qual, lui medemo, inteso esser rimasto, l'andò a dirlo al capitano zeneral, qual era sul campo di Santa Maria Formosa a veder a zuogar el balon a do è venuti con lui qui, qual jochano benissimo, et eri *etiam* vi fu et era a veder zuogar di le persone diecimilia; hor il capitano li piaque assai. *Etiam* fu fato pagador sier Tomà Michiel el XL, qu. sier Piero da San Polo; li scurtinii sarano qui avanti posti.

93 *Scurtinio di provedador di cavali lizieri, con ducati 60 al mexe per spese.*

Sier Andrea Minio, el XL, fo a la custodia di Padoa con homeni 10, di sier Lorenzo, qu. sier Almorò . . . 72.122

Sier Beneto Marin, el Cao di XL, qu. sier Marco, qu. sier Zuan dotor . . . 35.167
 Sier Jacomo Manolesso, fo provedador a Pizigaton al tempo dil conflitto, qu. sier Orsato . . . 104. 95
 Sier Andrea Zivran, fo provedador di stratioti in Istria, qu. sier Piero. . . 73.130
 Sier Piero Trivixan, è di Pregadi, qu. sier Polo . . . 48.135
 Sier Zuan Foscarini, fo provedador a Pordenon, qu. sier Nicolò . . . 74.127
 Sier Zuan Contarini, fo in l'asedio e a la custodia di Padoa con homeni 10, qu. sier Alvise, qu. sier Bertuzi procurator . . . 56.119
 Sier Vincenzo Zen, fo Cao di XL, è a la custodia di una porta di Padoa, qu. sier Tomà el cavalier . . . 27.185
 Sier Alvixe Zorzi, fo di Pregadi, fo a la custodia di Padoa e Treviso, qu. sier Antonio el cavalier . . . 98.102
 Sier Alexandro Contarini, è di Pregadi, qu. sier Pandolfo . . . 39.151
 Sier Francesco Lipomano, fo XL zivil, qu. sier Zuanne . . . 65.138
 Sier Zacaria Contarini, fo podestà a Citadela, di sier Alvixe . . . 94.107
 Sier Nadal Marzelo, fo sopracomito, qu. sier Nicolò . . . 60.119
 Sier Francesco Pasqualigo, fo provedador di stratioti in Istria, qu. sier Vetor . . . 75.135
 Sier Andrea da Mosto, fo capitano in Po, qu. sier Piero . . . 30.160
 Sier Nicolò Donado, el XL, di sier Andrea, qu. sier Antonio cavalier . . . 82.116
 † Sier Alvixe Bembo, fo provedador executor in campo, qu. sier Polo, e sempre à servido in campo e serve a so' spexe . . . 107. 90
 Sier Polo Contarini, fo provedador di stratioti, qu. sier Francesco . . . 50.141
 Sier Anzolo Guoro, fo provedador a Feltre, di sier Hironimo . . . 81.120
 Sier Lodovico Querini, fo provedador ai Urzi Nuovi e a la custodia di Padoa, qu. sier Jacomo . . . 63.129
 Sier Lorenzo Loredan, fo capitano di le galie di Alexandria, qu. sier Piero . . . 43.148
 Sier Marco Marzelo qu. sier Jacomo Antonio el cavalier . . . 47.141